



" MENCONTOHI SIRAH RASULULLAH S.A.W "

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَىٰ وَدِينِ
الْحَقِّ لِيُظَهِّرَهُ عَلَى الْأَدِينَ كُلِّهِ وَلَوْ كَرِهَ
الْمُشْرِكُونَ .

أَشْهَدُ أَنَّ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّداً عَبْدُهُ وَرَسُولُهُ. أَللَّهُمَّ صَلِّ
وَسِّلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،
أُوْصِيْكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.
قَالَ اللَّهُ تَعَالَى: يَا أَيُّهَا الَّذِينَ إِيمَنُوا اتَّقُوا اللَّهَ حَقَّ
تُقَاتِهِ وَلَا تَمُوتُنَ إِلَّا وَأَنْتُم مُسْلِمُونَ.



Sidang Jumaat Yang Dirahmati Allah,

Wahai hamba-hamba Allah! Bertaqwalah kepada Allah dengan sebenar-benar taqwa. Dan Janganlah kamu mati melainkan dalam keadaan Islam. Saya menyeru diri saya sendiri dan juga sidang Jumaat sekalian agar kita sama-sama meningkatkan ketaqwaan kita kepada Allah dengan melakukan segala suruhan-Nya dan menjauhi segala yang ditegah-Nya.

Tajuk khutbah kita pada kali ini adalah "**MENCONTOHI SIRAH RASULULLAH S.A.W**".

Sidang Jumaat Yang Dirahmati Allah,

Kita sedang berada dalam zaman yang penuh pancaroba. Zaman manusia saling kejar mengejar dalam merebut harta dunia. Zaman manusia tidak memperdulikan hukum halal dan haram dalam melakukan sesuatu tindakan. Zaman manusia sering merasa tertipu dengan sistem yang ada. Zaman manusia sering kecewa dengan nasib malang yang menimpa diri masing-masing.

Manusia bagaikan hilang arah apabila bercakaran sesama sendiri. Masing-masing saling salah menyalahkan antara satu sama lain. Masing-masing mendakwa mereka yang benar. Akibatnya berlakulah pertelagahan yang tidak ada noktah penghujungnya. Dalam menyelesaikan segala kepincangan yang berlaku, manusia hari ini perlu merendah diri dan menoleh seketika kepada perjalanan hidup Rasulullah s.a.w. Ini kerana sirah baginda s.a.w. bukan semata-mata kisah dan cerita panglipurlara. Ia adalah rencana hidup utusan Allah yang perlu diteladani



dan diikuti oleh sekalian umatnya. Sirah Nabi s.a.w. adalah model kehidupan beragama yang dikehendaki oleh Allah Tuhan semesta alam.

Allah berfirman di dalam surah Al-Ahzab ayat 21:

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِمَنْ كَانَ
يَرْجُوا اللَّهَ وَالْيَوْمَ الْأَخِرَ وَذَكَرَ اللَّهَ كَثِيرًا



"Demi sesungguhnya, adalah bagi kamu pada diri Rasulullah itu contoh ikutan yang baik, iaitu bagi orang yang sentiasa mengharapkan (keredaan) Allah dan (balasan baik) hari akhirat, serta ia pula menyebut dan mengingati Allah banyak-banyak (dalam masa susah dan senang)".


Rasulullah s.a.w. dan para sahabat adalah generasi yang menyaksikan penurunan wahyu Ilahi. Mereka menerima arahan dan perintah secara langsung dari Allah. Lantas mereka berdakwah dan berjihad pada jalan-Nya tanpa merasa gerun dan gentar. Mereka menyeru kepada yang maaf dan menghalang segalakemungkaran dan maksiat. Hasilnya, mereka berjaya menebarkan keamanan dan keadilan di atas muka bumi ini. Mereka membuktikan kepada dunia bahawa mereka adalah kaum penyelamat di atas muka bumi Allah ini.

Firman Allah dalam surah al-Anfal ayat 74:



وَالَّذِينَ ءَامَنُوا وَهَا جَرُوا وَجَاهُدُوا فِي سَبِيلِ اللَّهِ
وَالَّذِينَ ءَأْوَا وَنَصَرُوا أُولَئِكَ هُمُ الْمُؤْمِنُونَ حَقًا^{٧٤}

لَهُمْ مَغْفِرَةً وَرِزْقٌ كَرِيمٌ



"Dan mereka yang beriman dan berhijrah serta berjihad pada jalan Allah dan mereka yang memberi tempat kediaman dan pertolongan maka merekalah orang-orang yang benar-benar beriman. Mereka memperolehi keampunan dan kurniaan yang mulia".

Sidang Jumaat Yang Dirahmati Allah,

Pengutusan Nabi s.a.w. dan dakwah baginda telah Berjaya merubah landskap kehidupan manusia pada zaman berkenaan. Sejarah kemanusiaan yang dahulunya hidup bermusuh-musuhan dan berperang sesama sendiri berubah menjadi kelompok manusia yang bersatu padu dan bermuafakat. Gambaran kehidupan tidak bermoral masyarakat Arab jahiliah ketika itu diceritakan sendiri oleh Ja'afar bin Abi Talib sewaktu ditanya Raja Habsyah yang menyatakan pada zaman itu mereka adalah bangsa jahiliah yang menyembah berhala, memakan bangkai, mengerjakan perkara keji, memutuskan tali kekeluargaan, merosakkan tata tertib tetangga dan yang kuat menekan yang lemah.

Rasulullah s.a.w mengubah suasana itu dengan membawa mereka keluar daripada belenggu jahiliah kepada gaya hidup bermasyarakat, berkerajaan dan bertamadun tinggi. Sejarah kemanusiaan menyaksikan



jatuh bangunnya sesebuah bangsa bergantung kepada kekuatan rohani bukannya fizikal. Islam melahirkan personaliti cemerlang dalam sejarah tamadun manusia seperti Sayyidina Abu Bakar As-Siddiq, Sayyidina Umar Al-Khattab, Sayyidina Uthman bin Affan dan Sayyidina Ali bin Abi Talib.

Inilah antara intipati sirah yang mahu kita suburkan dalam masyarakat kita yang semakin hilang jatidiri sehingga agama dipinggirkan manakala hawa nafsu dijadikan Tuhan. Kesannya begitu dahsyat di mana jika pada zaman jahiliah anak perempuan ditanam hidup-hidup atas alasan mereka membawa sial sedangkan jahiliah moden membunuh anak lelaki dan perempuan akibat merebaknya zina.

Mengikut statistik Jabatan Pendaftaran Negara (JPN), seramai 152,182 orang anak luar nikah dilahirkan sejak tahun 2008 hingga 2010. Itu belum kira masalah dadah, jenayah yang lain yang semakin merebak. Kejayaan dan kegagalan kita bergantung pada sejauh mana kita mahu berhijrah kepada keadaan yang lebih baik berdasarkan Islam.

Manusia seolah-olah hilang pedoman dan buntu mencari jalan penyelesaian bagi mengatasi masalah pembuangan bayi. Mereka sentiasa berteori dan memerah otak memikirkan jalan penyelesaian tanpa sekelumit kesedaran untuk kembali kepada syariat Allah yang dibawa oleh Rasulullah s.a.w. Lihatlah bagaimana dengan pelaksanaan akhlak Islam, syariat Islam dan undang-undang Islam, baginda berjaya merubah kehidupan manusia yang caca merba menjadi manusia yang berdisiplin, berakhlak, bertamadun dan disegani oleh kawan dan lawan.

Nabi Muhammad s.a.w berjaya membina Tamadun hebat kerana melaksana sistem Islam dengan menghancurkan jahiliah sebaliknya umat



Islam hari Islam mengagungkan jahiliah dengan meninggalkan sistem Islam sehingga merana dan hina di negara sendiri.

Sidang Jumaat Yang Dirahmati Allah,

Di dalam Al-Quran, Allah member jaminan bahawa sesebuah negara itu akan menjadi aman sentosa serta maju dan membangun dengan syarat pemimpin dan rakyatnya mementingkan konsep keimanan dan ketaqwaan. Inilah yang dinyatakan oleh Allah dalam Surah Al-A'raf ayat 96:

وَلَوْ أَنَّ أَهْلَ الْقُرَىٰ إِمْنَوْا وَاتَّقُوا لَفَتَحَنَا عَلَيْهِمْ
بَرَكَاتٍ مِّنَ السَّمَاءِ وَالْأَرْضِ وَلَكِنْ كَذَّبُوا فَأَخْذَنَاهُمْ
بِمَا كَانُوا يَكْسِبُونَ



"Sekiranya penduduk negeri itu beriman dan bertaqwa, tentulah Kami akan membuka kepada mereka (pintu pengurniaan) yang melimpah-limpah berkatnya, dari langit dan bumi. Tetapi mereka mendustakan (Rasul Kami), lalu Kami timpakan mereka dengan azab seksa disebabkan apa yang mereka telah usahakan".

Sidang Jumaat Yang Dirahmati Allah,

Sirah Nabi s.a.w. Hijrah membuktikan bahawa umat Islam mampu untuk berdiri sendiri tanpa perlu bergantung kepada mana-mana kuasa besar sama ada Rom mahupun Farsi. Dalam mengurus tadbir negara,



Rasulullah s.a.w. dan para sahabat berjaya mempamerkan pengurusan yang sangat amanah berasaskan Islam sehingga berjaya merubah kerajaan Madinah daripada sebuah kerajaan kecil yang akhirnya berjaya menumbangkan Empayar Rom Kristian dan Empayar Parsi Majusi seterusnya menguasai Empayar Hindu India dan Empayar Budha China. Tanpa perlu bergantung kepada kuasa dan penasihat luar, kerajaan Madinah mampu menyelesaikan masalah ekonomi, sosial dan politik dengan begitu cemerlang.

Kepimpinan nabi s.a.w. dan para sahabat juga sentiasa membuka ruang kepada rakyat Madinah untuk memberikan teguran dan kritikan membina yang sepatutnya menjadi contoh kepada umat akhir zaman. Sesungguhnya kegagalan kita untuk berhijrah kepada corak kepimpinan Rasulullah s.a.w. ini menyebabkan kita ketinggalan jauh ke belakang berbanding kaum lain.

أَعُوذُ بِاللَّهِ مِنَ الشَّيْطَنِ الرَّجِيمِ
قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحِبِّكُمُ اللَّهُ وَيَغْفِرُ
لَكُمْ ذُنُوبَكُمْ وَاللَّهُ غَفُورٌ رَّحِيمٌ

"Katakanlah, jika kamu cintakan Allah, ikutlah aku (Muhammad) nescaya kamu akan dikasihi oleh Allah dan Dia akan mengampunkan dosa-dosa kamu".

(Ali-Imran : 31)



بَارَكَ اللَّهُ لِيْ وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّا كُمْ بِمَا فِيهِ مِنَ الْآيَاتِ وَالدِّكْرِ
الْحَكِيمِ وَتَقْبِيلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِيْ هَذَا وَأَسْتَغْفِرُ اللَّهَ الْعَظِيمَ لِيْ
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا
مِنَ الطَّيِّبَاتِ. أَشْهَدُ أَنَّ لَا إِلَهَ إِلَّا اللَّهُ وَحْدَهُ,
لَا شَرِيكَ لَهُ، وَأَشْهَدُ أَنَّ مُحَمَّداً عَبْدُهُ,
وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ وَعَلَى آلِهِ وَصَحْبِهِ وَمَنْ تَبَعَهُمْ
بِإِحْسَانٍ إِلَى يَوْمِ الدِّينِ. أَمَّا بَعْدُ، فِيمَا عِبَادَ اللَّهِ،
إِتَّقُوا اللَّهَ فَقَدْ فَازَ الْمُتَّقُونَ. قَالَ اللَّهُ تَعَالَى: إِنَّ
اللَّهَ وَمَلَائِكَتَهُ يُصَلِّونَ عَلَى النَّبِيِّ يَتَأْمِنُ الَّذِينَ
ءَامَنُوا صَلَوَةً عَلَيْهِ وَسَلَمُوا تَسْلِيماً.



اللَّهُمَّ صَلِّ وَسِلِّمْ عَلَى سَيِّدِ الْمُرْسَلِينَ وَارْضِ
اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ
أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ
سَمِيعٌ قَرِيبٌ مُجِيبٌ الدَّعَوَاتِ وَيَا قَاضِيَ
الْحَاجَاتِ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى
أَنْ تَحْفَظَ بَعْنَيْنِ عِنَائِتِكَ الرَّبَانِيَّةِ وَبِحِفْظِ
وَقَائِتِكَ الصَّمَدَانِيَّةِ، جَلَّ لَهُ مَلِكُنَا الْمُعَظَّمِ
سُلْطَانُ سَلَاغُور، سُلْطَانُ شَرَفُ الدِّينِ ادْرِيسِ
شَاهُ الْحَاجُ ابْنُ الْمَرْحُومِ سُلْطَانُ صَلَاحُ الدِّينِ



عبد العزيز شاه الحاج. اللهم أدم العون
والهداية وال توفيق، والصحة والسلامة مِنْكَ،
لولي عهد سلاعور، تغدو أمير شاه ابن
السلطان شرف الدين ادريس شاه الحاج في
آمن وصلاح وعافية بمنك وكرمك يا
ذالجلال والإكرام. اللهم أطل عمرهما
مصلحين للموظفين والرعيية والبلاد، وبلغ
مقاصدهما لطريق الهدى والرشاد.

Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkuuhkan negara umat Islam khususnya negeri Selangor, sebagai negeri yang maju, sejahtera dan berkebajikan.

Justeru kami pohon kehadrat-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang



Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, bukakanlah hati kami untuk mendirikan solat fardhu lima waktu dan ibadah zakat sebagaimana yang telah Engkau wajibkan. Berkatilah hidup orang-orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.

Demikian juga Ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَةَ أَعْيُنٍ
وَأَجْعَلْنَا لِلْمُتَقِينَ إِمَامًا. رَبَّنَا إِاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادٌ
اللَّهُ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي
الْقُرْبَىٰ وَيَنْهَا عَنِ الْفَحْشَاءِ وَالْمُنْكَرِ وَالْبَغْيِ
يَعِظُكُمْ لَعَلَّكُمْ تَذَكَّرُونَ





فَادْكُرُوا اللَّهَ الْعَظِيمَ يَذْكُرُكُمْ وَآشْكُرُوهُ عَلَى
نَعْمَاهِهِ يَزْدَكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.